

Saksprotokoll i Forvaltningsstyret - 30.08.2016

Behandling

Administrasjonen vart bedt om å opplyse kor mange reine skogeigedommar det finst i Lesja.

Som innstillinga, 5 – 0.

Vedtak

Lesja kommune syner til dei vurderingane som er gjort i saksutgreiinga, og rår departementet til å gå bort frå fleire av dei foreslegne lovendingane. Nedanfor er Lesja kommune si innstilling til dei ulike endringsforslaga:

- Lesja kommune støtter forslaget om ei heving av arealgrensene for konsesjon, buplikt og odel frå 25 dekar fulldyrka og overflatedyrka jord til 35 dekar.
- Lesja kommune støtter forslaget om å innføre ein heimel for forskrift om beløpsgrense ved priskontroll.
- Lesja kommune støtter ikkje forslaget om å oppheve priskontrollen på skogeigedommar, korkje for reine skogseigedommar eller eigedommar som består at både jord og skog.
- Lesja kommune støtter ikkje forslaga om unntak frå plikta til å søke delingssamtykke etter jordlova og plikta til å søke konsesjon om ervervet gjeld jord eller skog som skal leggest til annan landbrukseigedom.
- Lesja kommune støtter på fastsette vilkår forslaget om unntak frå plikta til å søke delingssamtykke etter jordlova og plikta til å søke konsesjon om ervervet gjeld tomt til bustadtomt, fritidshus eller naust.
- Lesja kommune støtter forslaget om å oppheve kravet om 10års leigeavtale ved bortleige av jord som tilleggsareal.
- Lesja kommune støtter ikkje forslaget om å oppheve kravet om at leigejord skal vere tilleggsjord til annan landbrukseigedom.
- Lesja kommune støtter ikkje forslaget om å oppheve kravet om at leigeavtale skal føre til driftsmessig gode løysingar.
- Lesja kommune støtter ikkje forslaget om å oppheve departementet (kommunen) si mynde til å inngå avtale om bortleige av jord når pålegg om bortleige, tilplanting eller andre tiltak ikkje vert etterkomne.
- Lesja kommune støtter forslaget om å innføre heimel i jordlova som gjer vedtak om attendebetaling av tilskot til tvangsgrunnlag for utlegg.